



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

22.09.2022

271-um-son

### **2022/2023 o'quv yili uchun Toshkent davlat yuridik universiteti bakalavriati sirtqi ta'lim shakliga iqtisodiyot tarmoqlarida kamida besh yil ish stajiga ega bo'lgan fuqarolarni o'qishga qabul qilish bo'yicha Suhbat komissiyasi tarkibini tasdiqlash to'g'risida**

O'zbekiston Respublikasi Prezidentining 2022-yil 15-iyundagi "Davlat oliy ta'lim muassasalariga o'qishga qabul qilish jarayonlarini tashkil etish to'g'risida"gi PQ-279-son qarori hamda O'zbekiston Respublikasi Vazirlar Mahkamasining 2021-yil 4-noyabrdagi 675-son qarori bilan tasdiqlangan Iqtisodiyot tarmoqlarida kamida besh yil ish stajiga ega bo'lgan fuqarolarni sirtqi va kechki ta'lim shakliga suhbat natijalariga ko'ra tabaqalashtirilgan to'lov-kontrakt asosida o'qishga qabul qilish tartibi to'g'risidagi nizamning 7-bandiga asosan, shuningdek O'zbekiston Respublikasi davlat oliy ta'lim muassasalariga o'qishga qabul qilish jarayonlarini muvofiqlashtirish bo'yicha Davlat komissiyasining 2022-yil 3-avgustdagi 2-son bayoni 27-bandi hamda O'zbekiston Respublikasi Oliy va o'rta maxsus ta'lim vazirligining 2022-yil 8-sentabrdagi 02/15-4/1-5265-son xati ijrosini ta'minlash maqsadida,

### **BUYURAMAN:**

1. 2022/2023 o'quv yili uchun Toshkent davlat yuridik universiteti bakalavriati sirtqi ta'lim shakliga iqtisodiyot tarmoqlarida kamida besh yil ish stajiga ega bo'lgan fuqarolarni o'qishga qabul qilish bo'yicha Suhbat komissiyasi tarkibi ilovaga muvofiq tasdiqlansin.

2. Suhbat komissiyasi (D.Umarov):

tavsiyanomaga ega bo'lgan abituriyentlarning ish faoliyati ular hujjat topshirgan yurisprudensiya bakalavriat ta'lim yo'nalishiga mos kelishi aniqlanishini;

tavsiyanomaga ega bo'lgan abituriyentlar tanlagan yurisprudensiya bakalavriat ta'lim yo'nalishi ularning ish faoliyatiga mos emas deb topilgan taqdirda, ular imtihonga qo'yilmasligini va bu haqda ish beruvchilar xabardor qilinishini;

tavsiyanomaga ega bo'lgan abituriyentlar bilan suhbat jarayoni to'liq videokuzatuv ostida o'tkazilishini ta'minlasin.

3. Elektron universitet bo'limi boshlig'i A.Karimov:

suhbat jarayonlarini kuzatuvchilar uchun ajratilgan alohida kutish joyiga "YouTube" ijtimoiy tarmog'i orqali to'g'ridan-to'g'ri onlayn translatsiya qilib borilishini;

suhbat jarayoni yozilgan videoyozuvlarni ularni belgilangan tartibda saqlash masalasini hal etish uchun Qabul jarayonini tashkil etish bo'limiga (B.Avazov) taqdim etilishini ta'minlasin.

4. Qabul jarayonini tashkil etish bo'limi (B.Avazov) suhbat o'tkazish jadvalini universitet rasmiy veb-saytida suhbat o'tkazilishidan kamida 5 kun avval joylashtirilishini ta'minlasin.

5. Devonxona (X.Abdullayev) mazkur buyruqni manfaatdor tarkibiy bo'linmalarga yetkazsin.

6. Ushbu buyruqning ijrosini nazorat qilishni o'z zimmamda qoldiraman.

**O'quv ishlari bo'yicha  
prorektor - TDYuU qoshidagi  
akademik litsey direktori**



**I.RUSTAMBEKOV**

Toshkent shahar

## **Kiritildi:**

Bo'lim boshlig'i

B.AVAZOV



## **Kelishildi:**

Xalqaro hamkorlik va uzluksiz ta'lim  
bo'yicha prorektor

D.UMAROV



Bo'lim boshlig'i

S.MAMANAZAROV



yuriskonsult

D.ALIBOYEV



Bo'lim boshlig'i

A.KARIMOV



## **Buyruq bilan tanishdim**

B.AVAZOV

